

## **Član 7. (Obaveze Kupca)**

Ulikom zaključenja ovog ugovora Kupac je dužan Dobavljaču dostaviti:  
ješenje o registraciji u sudskom registru nadležnog suda  
Uvjerenje o poreznoj registraciji  
Dobavljač može tražiti da Kupac dostavi i drugu dokumentaciju koja je od značaja za  
rješavanje ugovornih obaveza.

Kupac je u obavezi preuzeti isporučenu robu neposredno po isporuci i na dogovorenom  
mjestu, kao i preuzeti sve potrebne radnje da bi isporuka bila moguća.

## **Član 9. (Obaveze Dobavljača)**

Dobavljač se obavezuje Kupcu, za vrijeme trajanja ovog ugovora, dobavljati naručeni  
asortiman artikala, pojedinačnu narudžbu realizovati u cjelini najkasnije u roku od 48 sati od  
dostavljanja narudžbe, s tim da je realizacija narudžbe u djelomičnim isporukama dozvoljena  
samo uz prethodni dogovor Dobavljača i Kupca.

## **Član 10. (Materijalni nedostaci)**

Dobavljač odgovara za materijalne nedostatke isporučene robe koje je ona imala u času  
isporuke Kupcu, bez obzira na to da li mu je to bilo poznato.

Dobavljač odgovara i za one materijalne nedostatke koji se pojave nakon prelaza rizika na  
Kupca ako su posljedica uzroka koji je postojao prije tога.

## **Član 11. (Rizik slučajne propasti)**

Do isporuke robe Kupcu rizik slučajne propasti ili oštećenja snosi Dobavljač, a s  
izvršenom isporukom rizik prelazi na Kupca.

## **Član 12. (Stupanje na snagu)**

Ovaj ugovor stupa na snagu danom obostranog potpisivanja od strane ovlaštenih lica  
ugovornih strana.

Svi rokovi u vezi s ovim ugovorom računaju se od dana stupanja ugovora na snagu.

## **Član 13. (Primjena Zakona o obligacionim odnosima)**

Ugovorne strane su saglasne sa primjenom odredbi Zakona o obligacionim odnosima i to  
u pogledu prava, obaveza i odnosa koji nisu regulisani odredbama ovog ugovora, a koji nastanu u  
vezi i povodom izvršenja ovog ugovora.

## **Član 14. (Rješavanje sporova)**

Sve eventualne sporove i nesporazume koji bi mogli nastati iz ovog ugovora ili povodom  
ovog ugovora, ugovorne strane će nastojati rješiti usaglašavanjem, posredovanjem ili na drugi  
miran način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mirno rješenje eventualnog spora u smislu stava 1.  
ovog člana, ugovara se nadležnost suda u Sarajevu, Bosna i Hercegovina, uz primjenu pozitivnog  
prava Bosne i Hercegovine.